

# **Baptist Pâwl Hrang Hrangte Inzawmna atâna Tihtûr leh Inkaihhruainate**

*Baptist Pâwl Hrang Hrangte Inzawmna Ngaihtuahtu Special Commission,  
General Secretary dinin rawtna a siam*

## **Thuhmahruai: Baptist World Alliance: Inpumkhatna leh Danglamna tamtak**

1. “Baptist World Alliance, khawvêl ram tina awm chu Lal Isua Kristaa Baptist mite inpumkhatna pawimawh tak lantîrtu niin a awm a ni.”<sup>1</sup>
2. Baptist World Alliance (BWA) chu “Khawvêla Baptist-te Isua Kristaa rinna hmun khat vuanho, Pathian hmangaihna a phuar khâwm, khawvêl kawng bo leh na tuar mêkah Thlarau Thianglim thiltihtheihnaa Isua Krista Chanchin Tha puanga infuih tawn leh inţanpui tawn a intichak tawn a, hmalâkhona (movement) a ni.”<sup>2</sup>
3. BWA chuan thuang lian tak pangaah hnathawhdân a ruahman a, chûng chu, Pathian biao inpâwlhonaa inzawmkhâwm te, Chanchin Tha puanna (mission and evangelism) hnaa thahnemngaihna kohhran mite thinlunga tuh te, sakhaw zalênna leh mihring dikna (human rights) humhalh te, Pathian Thu hriatna dik (relevant theology) pêk chhuah te, ţanpui ngaite chhawmdawlina leh khawtlâng hmasâwnna ngelnghet nei thei tûra ţanpui te a ni.”<sup>3</sup>
4. A dintirh aţangin BWA chu, “Khawvêl puma Baptist rindân leh tihdân nei, Baptist kohhrante chhûngkuua awm ni a hriat a ni.”<sup>4</sup> Amaherawhchu a din tirh lai chuan BWA membrete chu Khawthlang lam Baptist convention leh union-te an ni deuh ber a. Kum zabi liamta chhûng khân BWA chhûngkuua chu khawvêl pumhuap tak taka pâwl lianah member tam tak nei a ni ta a ni.
5. BWA member thanna chu khawsakdân (culture) chi hrang hrang lo pung tam êm êm hian a lantîr a. Culture hrang hrangte chuan, ţawngte, khawsakdân (custom) te, history te, chi bîng danglam bîkna te, Pathian Thu hriat thiamdân leh sawidân te, a huam a ni.”<sup>5</sup>
6. BWA chuan a membrete zînga danglamna tam tak awm si pumkhat nihtîr a tum tlat chu tihhlawtlin ngei a tum a. Harsatna eng eng emaw awmin lang mahse danglamnate chu Pathian thilpêkah a ngai a. Chuvângin Pathian Ram lantîrtu tha takah a ngai a ni. BWA din chhan leh tihhlawhtlin ngei a tumte tipuitling tûr leh BWA membrete thawhhona inngahna ni zêl tûr chu vawng tha (maintain) tûrin BWA chuan bûkna harsa tak

(delicate/balance) a hmang reng tûr a ni. Chu bûkna chu pâwl anga tih hlawhtlin a tum, inpumkhatna vawn reng leh pâwl anga chawisân a tum chi hrang tam tak inpâwlhona tha neih zel chu a ni.

7. Inang lo tam tak khawvêl pum huapa BWA inzawmkhâwm tumnaa thil tha ber pakhat chu BWA member hmun hrang hranga mite inbiakpawh theihna a nei hi a ni. BWA inhmukkhâwmnaah te memberten Bible Pathian Thu ngaihdan hrang hrang an rawn kente chuan BWA chu rah duhawm tak a sengtûr a ni. Kan rinna, culture hrang hrang aţanga sawichhuahte chu BWA chhûnga mawi taka inhrilh leh inpawmsak tawwna thilpêk a ni.
8. Amaherawhchu, inang lo tak takte tihtakzet leh inhawng taka inbiak tawwna BWA in a siam chuan inpumkhatna vawn him kan tum tlat ţan chona (challenge) lian ber BWA tân a ni thei ang.<sup>6</sup> Chu chona chu, dik tak leh Chiang taka hriat tlan theih tûra ţawng hman, abîkin ţawng pakhat aţanga ţawng tam tak a lehlin a tûlnaah te a lo lang a ni. BWA chhungkaw member hrang tam takten mahni ‘culture’ leh ‘history’ aţanga Bible leh Theology an lo hriatthiamdân hre si lova, mimalin rilru tha tak pu pawh a sawi a tum hian, chu chona chu a rawn siam a ni.
9. BWA chhûnga inpumkhatna vawng tha a, kan pâwla inang lo tak takte hlim taka awmho bawk tûr chuan kan inpumkhatna atân hma lâk chak a, inhriat thiam lohna awm thei tih tlem zêl a tûl a ni. Hei hi rilrua neiin BWA chuan, BWA inhmukkhâwmna leh BWA hnathawh dân inhrilhtawwna (sharing) a telte sawihona atân hêng kalphung leh inkaihruaina (principle and guidelines) hi a pawm a ni.

### **Kalphung leh Inkaihruaina (Principles and Guidelines)**

1. “Pathian nêch chuan thil engkim a tih theih a ni.”<sup>7</sup>  
Krista Isua tel lo chuan engmah kan ti thei lo.<sup>8</sup> Chuvangin Pathian chibai bûknaa BWA inkhâwmna zawng zawngah Pathian awmpuina leh hruaina chu pawm a ni.
2. Kristiante hi famkim lo, misual, khawngaihnaa chhandam an ni,<sup>9</sup> chuvângin kan hriatna leh hriatthiamna (knowledge and understanding) te hi famkim leh sual awm lo ah kan ngai thei lo. Hei vâng hian kan ngaihdân leh thlirdânte (opinion and perspective) chu mi dang kan bia emaw an thu sawi kan ngaithla emaw rilru innngaitlâwm leh Thlarau Thianghlim min kaihruai tûra dîlna nêch kan lantûr tûr a ni.

3. Mihring zawng zawng Pathian anpuia siam an ni.<sup>10</sup> Kristaah chuan Krista taksa anga tihdanglamin kan awm.<sup>11</sup> Krista taksa pakhatatah kan awmho.<sup>12</sup> Mi zawng zawng, mipa leh hmeichhiate zahawmna (dignity) kan pawm a, Pathian anpuia siam leh thianghlim tûr a koh an nih avângin.<sup>13</sup> Chu bâkah Krista taksa memberte angin kan innei tawn a ni.<sup>14</sup> BWA memberte chu thiltihah emaw dinhmun an luahah emaw eng anga thahnemngai (passionate) pawh nise, inbiakna leh sawihona (conversation and dialogue) chu mimalah ni lovin principle-ah a innghat zâwk thîn tûr a ni. Culture-ah, awmna bialah, ram leh hnam, kohhran pâwlah emaw kan inbiakna te, kan sawihona te, kan inhnialna te (conversation, dialogue, debates) chu mimalah emaw, hringnun emaw, mahni Kristian rinna leh inpêkna (Christian faith and commitment) emaw inbei (attack) nân hman miah loh tûr a ni.<sup>15</sup>
4. Kan zain rinna chhûngkaw pakhatatah memberte kan ni a<sup>16</sup> Thlarau Thianghlim zârah Pathian mite anga he kohhrana ringtu chaktak kan nih honaah inrin tawwna (interdependence) a takin kan chang (experience) a.<sup>17</sup> Ringtu Baptist khawvêl pum huapa inpâwl hote kan ni a, mahse thil thlîr dan chi hrang tam tak, mi dangte a bîkin hnam dang rahbehna awmte, rehtheih vânga nêksâwra awmte, thil thlîrdânte ngaihthlâksak leh hriat thiamsak a, zah thiamsak tuma kan bei vak loh chuan kan famkim lo rêng dâwn a ni. Chuvângin BWA member zawng zawng ngaihdân leh tihdân tlângpui kaihruaitu leh thununtu atân culture pakhat ngaihdân leh tihdân hman loh hrâm tumin kan bei a ni.
5. BWA memberte hian tawng lamah thilpêk kan dawng tih tawng chi hrang tam tak kan neih hian a tilang. Tawng hi mahni nihna tilangtu, mahni history leh culture tichiangtu a ni. Chuvâng chuan BWA hian memberte mahni tawng a ngaihthla leh sawi thîn tûra tanpui leh remchâna siamsak a tûlzia a hria a ni.<sup>18</sup> Chutiang tûr chuan BWA chuan meeting neihnaah tawng hrang hrangte hman a nih theih nân, tawngte hriat chian a, hmanraw chi hrang hrang hman a tum a ni.
6. Inhmangaih tawn tûr a koh kan ni.<sup>19</sup> Chutiang chuan Krista thuhretute kan ni tih kan entûr a ni.<sup>20</sup> Kan inzawmna hi inpawm tawwna leh inzah tawwna leh inţanpui tawwna thâ kan neih hma chuan inpumkhatna tak tak kan neih theih kan ring lo. Chuvângin

- BWA inhmukkhâwma kohhran aiawh kal khâwnte chuan meeting pângngai leh pawh lamah pawh inhmelhriatna leh inzawmna daihreih leh awmze nei siam tum tûr a ni.
7. Baptist hote hi kawng tam takah, thu dik hriatna kawngahte, ngaihdân zau tak nei an ni tih kan pawm a, kan inhmangaihin kan inpawm tawn bawk si.<sup>21</sup> Ngaihdân leh tihdân diklo tak ni a kan rin chu mikhual leh hmêlma ang ni lovin chhûngkaw member duh takte angin kan incho tawn thîn. Dik lo nia hriat siamthat pawh hmangaihna nêh tih tûr a ni.<sup>22</sup>
  8. Kan tuina zâwngte inhriat tawnsak kan tum a.<sup>23</sup> Chuvângin tu ngaihdân emaw thlîrdân emaw, tawng leh culture danglam vâng emaw a chiang taka sawi chhuah loh emaw hriatthiam loh emaw a nih chuan, meeting kaihrui chu chuan thusawitu chu zah tak leh taima takin a sawi tum sawi chhuahna hun siamsak tûrin kan duhin kan beisei a. Hei hian a thusawi dik lova ngaihsakna aiin a sawi tum tak hriat tum a sawi chhonzawmna tha a thlen thei ang. Meeting kaihrui (moderator) in thusawi fel lo leh mawi lo deuh ni a a hriat a, a tih tâwpsak a nih ngawt loh chuan meeting-a thusawitu tupawhin a thusawi lai tih buai lohvin a sawi tum (point) a tâwp thleng a sawi theihna a nei ang.
  9. Kan inhmukkhâwmnaah, engkim mawitak leh fel taka tih thîn tûr a ni.<sup>24</sup> Inkhâwmnaah tel (participant) zawng zawng ten inkhâwm kaihrui (moderator) thuneihna an zah thiam tûr a ni. Kan inan lohna tam takte zah thiam a, inpumkhatna vawn tum tlat tûr a ni. Chu chu BWA chhûngkaw hnena Thlarau Thianghlim thilpêk a ni.

- 
1. Preamble to BWA Constitution
  2. BWA Vision Statement developed by the 21<sup>st</sup> Century Committee and adopted at the 19<sup>th</sup> Baptist World Congress in Birmingham, England in 2005
  3. The Statement on BWA Clusters of commitment emerged in the deliberations of the 21<sup>st</sup> Century Committee.
  4. "Preamble" to BWA constitution as approved at the inaugural Congress in 1905. See the Baptist World Congress, London, July 11-19, 1905: Authorized Record of Proceedings, (London: Baptist Union Publication Department 1905): 330-31.
  5. I Corinthians 12:12,27; Romans 12:4
  6. Ephesians 4:3
  7. Matthew 19:26
  8. John 15:5
  9. Ephesians 2:5,8, I Corinthians 13:9
  10. Genesis 1:26-27
  11. Romans 8:29

12. Romans 12:4-5
13. BWA Centennial Statement 11
14. Romans 12:5
15. See Colossians 4:6
16. Galatians 6:10
17. BWA Centennial Statement 8
18. See Acts 2:5-12
19. John 13:34, I John 4:7-12
20. John 13:35
21. Romans 15:7
22. Ephesians 4:15
23. Philippians 2:4
24. I Corinthians 14:40

Mizo language translator: Rev. Dr. C. L. Hminga, former General Secretary of the Baptist Church of Mizoram.